

SINAR HARIAN - 03 OGOS 2016 (SELASA)

UniSZA perkenal Genius Imtiaz@Unisza

GONG BADAK - Universiti Sultan Zainal Abidin (UniSZA) akan memperkenalkan Program Genius Imtiaz@Unisza dalam usaha melahirkan pelajar yang 'quranik', 'eksklopedik' dan 'ijithadik'.

Naib Canselor, Prof Datuk Dr Ahmad Zubaidi Abdul Latif berkata, buat permulaan, program akan dijayakan bersama Yayasan Terengganu itu membuka peluang kepada seramai 20 pelajar terpilih dari seluruh Imtiaz.

"Bagi melahirkan pelajar yang mempunyai ciri hebat ini, mereka perlu dide daharkan dengan kemampuan bahasa yang tinggi, kekuatan daya hafalan Quran dan memahami semua ilmu ber-

kaitan serta mampu menyelesaikan masalah berteraskan syariat.

"Justeru, UniSZA sebagai universiti yang meletakkan ilmu dan akhlak sebagai tonggak utama dalam misi mendidik anak bangsa, mahu tawarkan program yang mampu beri kecemerlangan sebenar kepada pelajar terpilih," katanya.

Menurut Dr Ahmad Zubaidi, UniSZA bersedia untuk menjalin kerjasama dengan banyak pihak dalam usaha melahirkan pelajar cemerlang merangkumi pelbagai aspek.

"Kita amat berhasrat untuk melahirkan pelajar cemerlang terutama membabitkan al-Quran yang menjadi teras umat Islam," katanya.



Ahmad Zubaidi (kiri) berbual mesra dengan mahasiswa UniSZA.